

ՔՐԿԱԿԱՆ ՅԵՂԵՐԸ VII—X դդ.
(ըստ արաբական աղբյուրների)

ԱՐՇԱԿ ՓՈՒԱԿՅԱՆ

Արաբական աղբյուրներում քրդական ցեղերը հիշատակվում են ուղղա-
ցեղային մի քանի անվանումներով՝ «կաբիլա», «աշիրա», «թաիֆա» և այլն:
«Կաբիլան» ցեղային միություն էր, որը կարող էր ընդգրկել արյունակցական
հեռավոր կապեր ունեցող խմբերին¹: Իսկ «աշիրան» արյունակցական մերձա-
վոր խումբն² էր, որն ուներ ուղղական ֆունկցիա և նրբեմն էլ միավորում էր
այլ խմբերի՝ իրենց ուղղական կաղամակերպություններով: «Թաիֆան» նշա-
նակել է որևէ ցեղի կամ ցեղային միության մաս: XIII դ. արաբ լեզվաբան Իբն
Մանզուրն ընդգծում է, որ մեկից մինչև հազար մարդը կարող էր համարվել
«թաիֆա»³: Քրդերի մասին խոսելիս արաբ հեղինակների օգտագործած արա-
բական տոհմացեղային (ջամաա, կաում, ֆախդ, ջիլ) անվանումները միշտ
է, որ համապատասխանել են իրականությանը և կրել են պայմանական բը-
նույթ: Այսպես, օրինակ, քրդական հայտնի «ալ-Հաբբանիյա» խոշոր ցեղա-
յին միությունը հաճախ կոչվել է «կաբիլա», «աշիրա» և այլն:

Քրդական ցեղերը, ըստ մեր ձեռքի տակ եղած նյութերի, ունեցել են ցե-
ղային նվիրապետություն: Մինչև X դ. մեզ ծանոթ են ցեղային վերնախավի
երկու դասի՝ անվանումներ՝ «մուկդիմ» (կամ մուկադիմ, հոգ. մուկադիմուն)
և «ռալիս» (հոգ. ոուսաս): Սրանցից առաջինը նշանակում է առաջնորդ, գը-
լուխ: Այն ավելի շատ ուղղական կոչում էր, որի կրողը ղեկավարում էր ցե-
ղի անդամներին ընդվզումների և զինական այլ շարժումների ժամանակ՝ կրելով
ուղղական պատասխանատվություն⁴: Ռալիս անվանվում էր ցեղապետ ֆեո-
դալը, որի իշխանությունը ցեղում կամ ցեղային միությունում կրում էր
միանձնյա և ժառանգական բնույթ: Ռալիսն իբրև ֆեոդալ, որպես կանոն, ու-
ներ «կալա» (բերդ) կամ «հիսն» (ամրոց) և որոշակի քանակությամբ զորք⁵:

Արաբ հեղինակները X դ. քրդական իրականությունում հիշատակում են
ուղղաքաղաքական մեկ այլ ինստիտուտ: Դա ամիրների⁶ ինստիտուտն էր,
որի նրևան գալը կապված էր խալիֆայությունում IX—X դդ. ֆեոդալական
անջատողականության բուռն վերելքի հետ: Ամիրը համարվում էր առանձին
տարածքում բնակվող ցեղերի ուղղաքաղաքական գերագույն առաջնորդը:
X դ. երկրորդ կեսից ամիրների ինստիտուտը լայնորեն տարածվեց քրդական
իրականությունում և նրա ենթակայության ներքո շարունակվեց գոյատևել
նաև ուլայների դասը:

Արաբական երկարատև տիրապետության հետևանքով զգալի տեղա-
շարժեր կատարվեցին նաև քուրդ ժողովրդի կյանքում: Ֆեոդալական շահա-
գործման ու զանազան կեղեքումների, ինչպես նաև ուղղաքաղաքական ու

¹ ابن منظور ، لسان العرب ، ج . ١٤ . القاهرة ، ١٣٠٢ ص ٧٦-٧٥

² ابن منظور ، لسان العرب ج . ٦ . القاهرة ، ١٣٠٠ ص ٢٥٠ .

³ ابن منظور ، لسان العرب ، ج . ١١ . القاهرة ، ١٣٠١ ، ص ١٣٠ .

⁴ ابن الاثير ، الكامل فى التاريخ ، ج ٥ . القاهرة ، ١٣٥٧ ، ص ٢٥٠ ...

⁵ ابن الاثير ، الكامل ، ج ٦ ، ص ٧٧ ، ١٢٠ ، ١٩٠ ...

⁶ Hilal as-Sabi, kitab al-Wuzara, ed. by H. F. Amidroz, Leiden, 1904, p. 148.